



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IX. De formatis literis Episcopo peregrè profecturo tribuendis à Metropolitano. Et si iste dare noluerit, liceat Episcopo illi causam suam deferre ad examen Episcopi Arelatensis.

**urn:nbn:de:hbz:466:1-15617**

## & Imperij Lib. V. Cap. XXXIV. 105

rescriptis agebatur. Ut vel hinc intelligere possimus plurimam lucem causæ Arelatensis Ecclesiæ attulisse stabilitam semel auctoritatem Episcopi Thessalonicensis, ad cuius exemplum Arelatensis Episcopi potestas formata est.

**I X.** Capite sequenti aliud jus Arelatensi Episcopo tribuitur, nimirum ut si Metropolitanus quispiam, propter aliquam fortassis simultatem, comprovinciali suo Episcopo peregrinè profecturo dare noluerit litteras formatas, absque quibus quemquam egredi provincia vetat, liceat Arelatensi Episcopo cum duobus Metropolitanis provincialium quæ contigua sunt cuncta discutere, & pro causæ qualitate observanda constitueret. Quibus verbis Arelatensi Episcopo tribuitur potestas decernendi, cum consilio tam duorum Metropolitanorum.

**X.** Anno dein quadragesimo sexagimo tertio Hilarus Papa scribens ad eundem Leontium, adversus Mamertum Episcopum Viennensem, qui invitò Diensibus Episcopum consecrare presumperat, idque in parte provinciae à qua eum depulerant rescripta Leonis, renovat decretum de celebrando singulis annis universali Galliarum Concilio, jubetque ut in tali proxima synodo præsidens pro jure suo Leontius quæ sunt acta discutiat, & à Mamerto rationem facti sui sub universo cœtu fraternitatis exigat, ac deinde omnium literis notitiæ Hilari ista referat, ut ipse quod sancto dictante Spiritu fuerit faciendum ad comprimentos actus illicitos ordinet. Coacta synodus ad Hilarum plenè rescripsit Mamertum, insuperhabita divisione provinciae à Leone decreta, & contempto Leontio, Diensibus Episcopum dedisse contraria quām ei licet. Hunc contemptum Leontij, cuius moderationem in hac causâ valde commendat, agrè tulit Hilarus; non secūs ac Bonifacius, quem Illyricianos Episcopos ob Ruti Thessalonicensis contumacionem castigasse suprà vidimus. Præcipit deinde Mamertum conveniri per Veranum Episcopum Lugdunensem, eique culpam hanc condonari, si pollicitus fuerit se nihil tale deinceps facturum. Quod si in contumacia duraverit, ad Arelatensem Ecclesiam eadem quatuor civitates revertantur quarum Mamertus non fuerat ordinatione contentus. Illius vero qui licet indebet Diensibus ordinatus erat Episcopus sacerdotium relinquì arbitrio Leontij, ut ejus iudicio dignitatem sibi collatam aut retineat aut amittat. Quod rursum repetit in epistola ad Episcopos provincialium Viennensis, Lugdunensis, Narbonensis primæ & secundæ, & Alpinæ, quarum Episco-

Tom. II.

pi tum haud dubiè conveniebant ad synodum Leontij Episcopi Arelatensis, quemadmodum eos suprà convenisse vidimus ad Concilia Hilarij.

**X I.** Supereft ut heic agamus de causa Ingenui Ebredunensis, & Auxanij Aquensis,

Vide Marcan in lib. de Primat. 6. 71.

qui tum acriter contendebant de Ecclesiis civitatis Cemelenensis & castri Nicænsis, quæ Leonis Papæ decreto unitæ erant, in quarum verò una, Nicænsi nimirum, ut opinor, Auxanius Episcopum constituerat cum auctoritate Papæ Hilari: ad quem cùm delecta propter hoc facinus fuisset Ingenui querela, statuit ille ut custoditis omnibus quæ super Ecclesiis Cemelenensis civitatis vel castelli Nicænsis à Leone definita fuerant, nihil Ecclesiarum juri noceret ordinatio novi Episcopi præsumpta ab Auxanio, sed statutæ correctionis forma permaneret ut ad unius antistitis regimen prædicta loca reverterentur; ita nempe (sic enim intelligendus omnino est Hilarus) ut Episcopus ille ordinaret ab Episcopo Ebredunensi, ad cuius metropolitanus pertinebat Cemelenum in provincia Alpium maritimorum situm. In epistola porro illa ait Hilarus Ingenuum Ebredunensem Alpium maritimorum provinciæ Metropolitanæ semper honore subnixum fuisse. Vnde colligunt viri docti non jure egisse Hilarium Arelatensem, qui Armenarium è cathedra Ebredunensi deturbavit ea etiam de causa quod absque ejus auctoritate, qui Metropolitanus erat, se ordinari conferat. Veruntamen metropolitica illa Hilarij Arelatensis auctoritas non impediens quin Ebredunensis etiam Episcopus esset Metropolitanus, juréque metropolitico uteretur in provincia Alpium maritimorum, excepto tamen ordinationum jure, quod ad se revocabat Hilarius tanquam ad primum Galliarum Metropolitanum. Quod si omnium per Gallias Episcoporum ordinationes ad se pertinere debere putabat Hilarius, placuisse potiori jure contendisse cum ejus auctoritate ordinari debuisse Metropolitanos, qui alium super se Episcopum non habebant, qui eorum electionem examinaret, quam Metropolitanum Arelatensem. Quam si quis heic vellet movere controvèrsiam, posset non infulsè affirmare eum non esse verborum Leonis sensum qui prima fronte occurrit, sed explicanda ea esse secundum jus quod ex decreto ejusdem Leonis Thessalonicensi Episcopo competebat in ordinationibus Episcoporum Illyrianorum, nimirum sic Hilarium ordinationes sibi omnium per Gallias sacerdotum vindicasse, ut non antè ordinari possent quam de electione eorum relatio ad eum facta fuisset à Me-

O